



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. XX [i. e. XVIII]. An contractus ex metu initus transferat dominium?

urn:nbn:de:hbz:466:1-40013

§. XVIII.

An contractus ex Metu initus transferat Dominium?

252. **M**eritus est actus voluntatis fugiens malum imminens, nullus autem actus voluntatis potest esse etiam secundum quid involuntarius, quia voluntas omnem efficit juxta naturalem suam inclinationem; volitio enim electiva v. g. projectionis mercium ex Metu seu fuga naufragij caret omni omnino involuntario, quia ejactio tunc est omnino bona, ac conformis naturali inclinationi servandi vitam. Quare, dum agitur de electione alicujus operis ad vitandum malum futurum, questio procedit de actione electiva externa, utrum v. g. contractus ex Metu à contrahente, aut alio tertio incusso initus sit voluntarius voluntario sufficiente ad valorem contractus, vel vero sit involuntarius, ac irritus aut saltem irritabilis.

Certum est talem actionem externam ut hic contractum non posse esse absolute, & efficaciter involuntarium, alias non ponetur à contrahente, sed secundum quid, non quod malum imminens, aut hujus metus per se, ac immediate influat in voluntatem, ut præmissum est, sed tantum per accidens, quatenus malum mediante Metu, seu fugâ sui causat electionem operis externi, scilicet contractus velut medij necessarij ad evadendum imminens malum, quod opus externum, quia per alium voluntatis actum concomitantem displicet inefficaciter, sive dispi-

centia inefficaci absolutâ eidem voluntati inefficaciter displicet idem opus exterum, mediante dictâ displicentiâ (etsi hæc non displiceat voluntati utpote perfecâ voluntaria) seu fit secundum quid involuntariorum.

Metus dividitur in gravem, & levem: quando malum imminens est leve, id est, non percellens hominem fortem, & constantem, dicitur levis, si aurem percellat fortem, id est, difficulter executi potest, seu superari pensatâ personæ alias constantis conditione, dicitur gravis, & cadere in virum constantem.

Incutitur autem metus, vel ab intrinseco (id est à causa naturali necessaria, sive ea sit metuenti intrinseca, ut morbus, sive extrinseca, ut naufragium, pestis, &c. vel ab extrinseco, nempe à causa libera cogente, qualis est homo, qui si sit superior, ut Dominus, Maritus, Parens, Prælatus Proprius, metus à tali incusus dicitur reverentialis, ex eo, quod inicutiatur ab iis, quos reverenter debemus.

Unde quando queritur, an metus reverentialis sit gravis, ac contractus ex illo initios irriteret, queritur de incusso à superiori, qui sit causa adæquata actionis nostræ externæ v. g. contractus matrimonialis, Professionis Religiosæ, &c. quæ actio nunc eligitur ut medium ad evitandum malum nobis à superioribus imminens

nens quo casu et si sit actio v. g. Professio mediante electione simpliciter voluntaria, est tamen secundum quid etiam involuntaria, per concomitantem aliam actum voluntatis, per quem inefficaciter displaceat eadem Professio.

Ut autem sit metus gravis requiritur primò, ut malum imminens sit grave absolute, vel respectivè. Secundò ut metum patiens prudenter credat malum illud sibi imminere. Tertiò ut metum incutens sit potens exequi minas, & insuper sit solitus exequi, in dubio autem amminans sit solitus exequi, aut executurus sit, minans potens exequi censendus est incutere metum justum, Sanch. L. 4. de matrim. Disput. 6. num. 22. non est enim æquum se se periculo exponere. Quartò ut metum patiens nequeat facile declinare malum v. g. imploratione Auxilij, vel Consilij, &c. Sanch. Disput. 1. num. 23.

Hæc procedunt etiam de metu reverentiali gravi: quia licet hic secundum se consideratus verius non cadat in vitum constantem, Sanch. cir. Disput. 6. n. 7. cadit tamen ut conjunctus continua aut diuturnæ vultus E. g. parentum asperitati, aut rigidæ tractationi, aut gravi exprobationi, quæ prudenter timetur, Sanch. num. 14. ut etiam preces importunæ, id est, instantissimæ, seu saepius à superiore reperiæ, Sanchez Disput. 7. num. 7.

Quando metus ab extrinseco incutitur licet, seu justè prout sit, quando incutitur ab habente jus incutiendi, dicitur Theologicè justus. Est autem Theologicè injustus, quando incutitur injustè, seu à non habente jus incutiendi. His præmissis,

253. Dico primò nullus metus etiam injustus levis à quocunque incussus ad extorquendum contractum irritat ullum contractum jure naturali aut positivo, neque hoc jure conceditur rescissio ad evitandas lites, ut tradit P. Wiest. in 1. Decret. ad Tit. 40. num. 24. cum posterioribus ex utroque jure, estque verius in foro etiam interno conscientia esse omnes firmos, Pontius lib. 4. de' matrim. c. 10. num. 5. contra Molin. Disput. 267. n. 5. Sanch. Wiest. num. 26.

Probatur irritatio contractus est grave malum Reipublicæ, ergo nequit irritari propter malum leve, aliter evitabile quam celebrationē contractū, potest autem aliter evitari, nempe per contemptum metus antecedenter ad contractum, ergo hujus celebratio non est medium necessarium ad evitandum contractum.

Dices cum Adversarijs contrahens patitur injuriam et si levem, ergo non tenetur promissa præstare, & alter tenetur accepta restituere. Respondeo pati, sed facile vitabilem contemptu metus proinde sibi imputet, si non contempsit.

254. Dico secundò metum gravem injustum à contrahente ad extorquendum contractum natura sua rescindibilem incussum regulariter validum esse, rescissione tamen obnoxium, Sanch. Disp. 8. n. 4. Lugo Disput. 22. n. 115. & alij contra Molin. Disp. 267. § 26. &c. indiscriminatim volentes omnes esse ipso jure invalidos sic extortos contractus. Probatur: quod ubi est voluntarius consensus in substantiam contractū, nulla sit efficax ratio dicendi eum esse invalidum, nisi jus clare eum annulet, sed duo prima habentur hic, uti est clarum, nec ullum jus clare annullat, non naturale ut

per

l. i. 2

per se patet, non etiam positivum, cui innituntur Adversarij, nam Lex Prima Cod. de rescind. vendit. & L. qui in aliena §. 7. ff. de acquirend. heredit. intelligentia sunt, quod metu gesta sint irrita, & nullius momenti quoad esse eum, cum enim obnoxia sint rescissioni, ideo carrent firmitate. Deinde cit. §. 7. habens additionem hereditatis pro invalida verum dicit propter factum consensum, quem adiens clam coram alijs prodidit ut notat Zoës, cum Glos.

Confirmatur sicc expositio, quod pro parte nostra stent clariora jura, ut L. fin Cod. de his, qua vi: venditiones inquit, donationes, transactiones, qua per potentiam extorta sunt, precipimus infirmari. & Cap. 2. de his, qua vi: ubi generaliter habetur, qua metu vel vi sunt, de jure debent in irriterum revocari, nempe si metum passus petat, huic enim intendunt favere leges.

Adhuc objicies Primò metus est contrarius consensui spontaneo, hic autem requiritur ad valorem contractus. Secundò habet aliquando annexum errorum, vel ignorantiam, ut dum clam aut à multitudine incutitur patiens ignorat à quo. Tertiò metum incutiens infert alteri injuriam, ergo hujus consensus nequit obligare erga erga injuriantem, alias hic commodum haberet ex injuria contra naturalem inclinationem. Quartò usurarius non sit usuratum Dominus, quia titulus est injustus, ergo etiam metum incutiens non sit Dominus rei traditæ ob tituli iustitiam: alias si fieret Dominus in Dominio præferreretur antiquioribus creditoribus, aut privilegiatis.

Respondeo ad Primum metum non simpliciter sed secundum quid contrariari

consensui libeto per n. 252. Ad secundum ille error non tollit notitiam nec consensum in substantiam. Ad tertium nego consequentiam, ad probationem dico: exiguum inde referre lucrum, quia aut nondum implevit contractum injuriatus vel implevit? Si Primum, potest excipere repellendo perentem, ut impletatur; si secundum potest petere restitucionem in integrum, seu rescissionem contractus.

Ad quartum Molina & Lessius concedunt antecedens: quia usuras solvent non intendit eas donare, sed ex debito solvere, ergo cum nullum sit debitum, nullum jus transfertur; Lugo verò cum S. Thoma opuscul. 73. de usuris Cap. 19, negat antecedens. Hac sententia est conformior principijs de contractibus ex metu, utrobique enim deest titulus justus in accipiente: nihilominus si est voluntas transferendi Dominium, transfertur, vocabiliter tamen, quæ voluntas ex parte dantis est justa causa, quatenus jure sufficit ad translationem, eâ deficiente certum est non transferri, prior] tamen sententia est conformior meis principijs de Actibus humanis n. 60.

255. Dico tertio etiam contractus naturâ suâ irrevocabiles, ut matrimonium, & Professio initi ex metu injusto à quocunque incuslo ex fine contrahendi non sunt jure naturæ irriti, jure tamen positivo sunt ipso facto annullati.

Probatur prima pars cum Sanch. lib. 4. de matrim. Disput. 8. n. 4. Lugo cit. cum innumeris Canonistis contra Molin. Disp. 267. & 326. n. 14. Haunold. tr. 8. n. 106. &c. quia ex nullo capite jus naturale eos irritat, non defectu libertatis, hanc enim non tolli patet in peccantibus

tibus ex metu gravi injusto: non gravis
injuria, quam patitur contrahens, quia
hac injustitia non impedit, quo minus
contractus sit simpliciter liber, ut patet in
contractibus naturā rescindibilibus, imo
etiam in irrescindibilibus ex metu levi in-
justo factis, quorum valori non obstat
injustitia etiam secundum Haunold. &
Adversarios plerosque. Nec est disparitas
sufficiens, quod dicat metum levem po-
tuisse contemni, licet enim ita sit, at-
amen dum non contemnitur, sed ex illo
sit contractus, adhuc contrahens patitur
injuriā.

Probatur pars secunda de matrimo-
nio ex cap. cum locum 14. & cap. veniens
is de matrim. & sponsal. De professio-
ne verò Religiosa expressum est in Cap. 1.
de his qua vi.

Objicies contra primam partem con-
clusionis cum Haunoldo, natura eam de-
bilitatem indidit contractibus, quæ est
necessaria, ut passus metum non cogatur
invitus pati damnum, sed contractum
indissolubilium nullitas est necessaria;
nam si à principio valerent, cum neque-
ant dissolvi, passus metum cogeretur pa-
ti damnum: nempe contractum, ergo.

Secundò ex injustitia nequit oriſi ju-
stitia, sed si jure naturæ contractus ex
metu injusto gravi initi forent firmi ex in-
justitia oriretur justitiae v.g. Matrimonium
ex justitia obligaret.

Respondeo ad primum contractibus
celebratis à simpliciter invito natura indi-
dit debilitatem necessariam nempe nulli-
tatem, ut invitè eos celebrans non pati-
tur damnum, in nostro autem casu non
celebrantur à non simpliciter, sed secun-
dum quid, ac in efficaciter invito.

Ad secundum Ex injustitia formalis-
ter, & immediatè nequit generari justitia,
potest tamen injustitia præsupponi ex par-
te metum incutientis, metu concepto ex
parte contrahentis consequitur ex parte
ejusdem patientis metum consentus sim-
pliciter liber per n. 252. Ex consensu li-
bero oritur valor contractus obligantis ex
justitia. Instantia est, quam etiam Ad-
versarij communiter concedunt in Jura-
mento injuriose extorto à latrone de dan-
da pecunia, quod ajunt valere per cap. si
verò, de jure jurando.

256. Dico quartò metus injustè in-
cussus à tertio ex alio fine quam ad extor-
quendum contractum, hunc non irritat,
nec reddit obnoxium rescissioni, unde
contractus etiam naturā suā indissolubiles,
ut Matrimonium & professio validi sunt,
ita Sanch. Disp. 12. à n. 11. Haunold. n. 117.
contra Lugo à n. 175. Wiestner n. 35.
Volunt hi, quod E. g. Petrus deprehen-
sus à Patre Fornicari cum filia, Pater vult
eum occidere, ut evadat mortem, sponte se
offert ad Matrimonium cum filia non ob-
latum à Patre ut medium evadendi mor-
tem, volunt inquam, quod hoc Matri-
monium sit irritum, reliqui verò contra-
ctus ex edicto Prætoris rescindi possint.
Contra hos ergo probatur conclusio,
quod in hoc casu nullo jure, sive natura-
li sive posito Matrimonium sit invalidum,
ergo etiam alij contractus ex simili metu
facti suar irrevocabilitet validi. Antece-
dens probatur: non positivo: nam Cap. 1.
de his, qua vi metusque causa sint,
adductum à P. Wiestner expressè dicit,
quod milites mortem sint minati fœmi-
næ, nisi profiteatur in Monasterio, er-

I i 3

go

go metus injustus fuit incusus ex fine extorquendi professionem, proinde non est mirum, quod Pontifex declareret non esse Professam, si constiterit de metu: non etiam dictum Matrimonium est invalidum jure naturali, quia natura potius in similibus circumstantijs vult valere, quam non valere Matrimonium, alias non esset possibile aliud medium evadendi malum gravius, nempe mortem. Confirmatur: si Matrimonium faret nullum jure naturali, haec nullitas fundaretur vel in defectu libertatis contrahentium, vel in injuria, quam innocens patitur; non Primum: quia non tollit plenum usum rationis; non secundum, quia nullus contrahentium est alteri injurious, sed Tertius, qui tenetur ad reparandum damnum, proinde procurare, si potest, ut metum non passus consentiat rescissioni optatæ à passo metum, quando contractus potest annulari.

257. Dico quinto nullus contractus, sive is sit naturâ suâ rescindibilis, sive irrecindibilis initus ex metu gravi ab intrinseco, aut ab extrinseco justè incusso ad extorquendum contractum, irritat hunc, nec reddit obnoxium rescissioni, Lugo n. 156. & plerique alijs contra paucos quoad rescindibiles, contra multos verò Juristas quoad irrecindibiles contractus ex metu ab intrinseco incusso.

Probatur quod eligitur absque injuria ab ullo illata, illud nullâ lege est iuritium, aut rescindibile, ut per se pa-

tet & ex L. si mulier 21. ff. de eo quid metus causa, ubi donatio ex justo servitutis metu facta à liberta valet, sed in casu conclusionis homo propriâ voluntate liberâ eligit contractum ad declinandum malum imminens sine injuria ab illo illata, ergo.

Hinc valet Matrimonium cum puerla, ad quod ob ejus deflorationem intendam quis cogitur à judge Ecclesiastico, aut à pueræ parente minanti defloratori accusationem, secùs si minaretur mortem: quia hanc nullus privatus justè minari potest Sanch. L. 4 fe matrim. Disp. n. 9. juste accipis pecuniam à fure extortam minando accusationem, nisi deridet: quia justè potes eum accusare, Gobat Theol. Experiment. tral. n. 150.

An autem minans accusationem ex causa justa animo simulato, id est, sine intentione accusandi ineat contractum firmum vel rescindendum cum onere restituendi? sunt qui assertant rescindendum non nomine metus, utpote justi, sed ratione injusti doli siti in falso animo accusandi, Ita Haunold. tral. I. n. 122. Lugo, n. 167. Molin. D. 514. sed negativa Sententia probabilis est: quia fallum est delatum hunc esse injuriosum, eo quod malum simulate intentatum minari ac inferri jure potuerit, ergo contractus est firmus Wiest. n. 39. ex Less. lib. 2. c. 17. n. 42. cit. Sanch. Palao,



§. XIX.